


水經注朱箋刊誤

卷十一之十二



水經注箋刊誤卷十一

澧水

水出北山七泉奇發

卷三十一第一葉

北山下落阜字寰宇記校增泉當作原

南流注澧水

卷三十一第一葉

流字衍文

救養者

卷三十一第一葉

箋曰白氏六帖作救癢按癢本作養荀子榮辱篇骨體

膚理辨寒暑疾養凡从疒後人所加

有魯縣居其陽

卷三十一第三葉

有魯下落山字漢書地理志校增

水南有漢中常侍長樂太僕吉侯苞冢 卷三十一第四葉

金石錄漢隸字源引此文俱作吉成侯州苞今校補

基西枕岡 卷三十一第四葉

基隸釋作墓

涓水

攻離山 卷三十一第五葉

箋曰孫按山海經云支離之山涓水出焉按方輿紀要云郡志云涓水出嵩山縣雙雞嶺雙雞蓋攻離之譌然方俗之稱字隨讀改山海經作支離字形之近也

涓水導源 卷三十一第五葉

導源下落宏農二字全氏校增

涓水又東南流雒縣之雒衡山 卷三十一第五葉

流下落歷字

有陽伯者 卷三十一第六葉

陽伯當作伯陽詳渭水篇刊誤

涓水又東南流逕博望縣西北故城東 卷三十一第六葉

西北二字衍文

郡東北一百二十里 卷三十一第六葉

郡上落在字

地理志曰南陽有望縣 卷三十一 第七葉

當作博望縣落博字

功曹柏孝長 卷三十一 第七葉

箋曰九州春秋曰時柏季長在城中按魏書注引九州

春秋正作柏孝長季字誤刻也

清水又南 卷三十一 第七葉

清水當作涓水

或是余夏逕驛途 卷三十一 第七葉

逕隸釋作景

墓樓東平林不 卷三十一 第八葉

不隸釋作下

世謂之 卷三十一 第八葉

謂之下落肄水二字

東出赭陽 卷三十一 第八葉

全氏云漢志續志晉志皆作堵陽魏收志始作赭陽然水經舊本仍作堵陽章懷註引水經注云堵水南逕小堵鄉可證也世本忽堵忽赭不亦惑乎予謂六朝後魏改堵為赭道元於沔水篇作堵于滢涓水篇改從赭各存所是正無取乎從同也

而道方城 卷三十一 第八葉

而孫潛校改西

郡國志所謂宛有瓜里野津 卷三十一第八葉

野字衍文

溫以升平五年與范汪衆軍北討列營清水 卷三十一第八葉

箋曰按晉書穆帝本紀桓溫遣諸將討河北在永和五年而范汪傳云桓溫北伐令汪率文武出梁國以失期免爲庶人卒于家本紀范汪之廢則在升平三年與此互異按晉書穆帝紀永和五年桓溫北伐乘石遵之亂也十年伐關中討苻健也十二年又北伐則征姚襄也

海西公太和四年又北伐慕容暉蓋不僅永和五年一役而已范汪之廢溫公通鑑目錄書于升平五年而穆帝紀升平五年又無廢汪事汪廢在哀帝紀之冬十月卽升平五年之冬十月也汪傳以爲溫令汪率文武出梁國似是討姚襄事溫傳所云以譙梁水道旣通請徐豫兵乘淮泗入河是也然升平五年春正月北中郎將都督青徐兗冀幽五州諸軍事徐兗二州刺史郗曇卒二月以范汪代之又在伐姚襄之後豈溫以汪勢旣盛忌之追論前事而廢之耶朱氏以汪廢在升平三年三豈五之誤刻耶

九經注疏卷三十一
故申伯之國 卷三十一第八葉

國黃省曾本作都

其東城城內有舊殿基 卷三十一第九葉

城字重文宜衍

有基周一百步高五丈 卷三十一第九葉

有下落殿字五丈當作五尺

地西三里 卷三十一第九葉

地當作城黃省曾本校

魏書曰公征至宛 卷三十一第九葉

三國志註引魏書曰公南征此落南字

祠亡將士 卷三十一第九葉

亡上落陣字三國志註校補

紫谿又逕宛西 卷三十一第九葉

紫谿當作梅谿

案漢高帝七年 卷三十一第十葉

案字衍文

遣潁陽侯祭遵西擊鄧奉弟衆 卷三十一第十葉

衆後漢書祭遵傳作終

又謂之汝谿之流 卷三十一第十葉

下之字當作合

苞隰衍注

卷三十一第十一葉

全氏校改作隰衍苞注

割南陽伍屬陽蔡陽穰鄧山都封爲

卷三十一第十二葉

箋曰屬下當脫一字按晉志義陽郡統縣十二有棘陽落棘字爲黃省曾本作焉

王莽更名曰豐穰也

卷三十一第十二葉

漢書地理志註作農穰

赭水出棘陽縣北

卷三十一第十二葉

棘陽當作堵陽寰宇記云唐州方城縣本漢堵陽縣有堵水一名柘水水經注云堵水出堵陽縣北山落山字

世祖建武二年成安侯臧宮從上擊赭也

卷三十一第十

二葉

赭下落鄉字後漢書臧宮傳不書擊堵鄉事見岑彭傳云三年夏帝自將征奉至堵陽鄧奉夜逃歸涇陽彭復與耿弇賈復及積弩將軍傅俊騎都尉臧宮等從追鄧奉于小長安帝率諸將親戰大破之奉迫急乃降而彭于建武二年冬十一月先率朱祐賈復耿弇王常郭守劉宏劉嘉耿植八將軍先擊堵鄉鄧奉來救董訢彭等攻之不剋帝故自將征之傅俊臧宮皆從二年當作三年以光武帝紀及岑彭傳校正也字衍文

水經注卷三十一
赭水縣 卷三十一第十三葉

赭水下落於字

古今斷岡兩舌 卷三十一第十三葉

箋曰當作左右斷岡兩舌按非也古今是右合之誤

東為榮源 卷三十一第十三葉

榮當作榮澠水注云榮水上承赭水是也

俱水枝分 卷三十一第十三葉

俱當作其

謂所受焉 卷三十一第十三葉

謂當作唯

故謝沈漢書 卷三十一第十三葉

漢書上落後字隋書經籍志校增故字衍文

前營皆阻兩川 卷三十一第十三葉

皆當作背後漢書齊武王傳云南渡黃淳水臨泚水阻

兩川澗為營絕後橋示無還心是也

二軍潰 卷三十一第十三葉

二當作三

縣在棘之陽 卷三十一第十三葉

棘下落水字漢書地理志校補

後漢兵起擊唐子鄉 卷三十一第十三葉

箋曰鄉一作卿按唐子鄉地名光武帝本紀注云唐子鄉有唐子山在今唐州湖陽縣西南

世以棘子木為力子之木也 卷三十一第十四葉

之字衍文

西過鄧縣東南入于沔 卷三十一第十四葉

西過上落又字南入于沔四字柳僉鈔本另為一條在

鄭聚注之後

清水右合濁水 卷三十一第十四葉

清水當作涓水

濁水又東逕鄧塞者 卷三十一第十四葉

者當作南

灑水

其南瀆東南流行 卷三十一第十五葉

行字衍文

時人謂之灑水 卷三十一第十五葉

謂之下落大字孫潛校增

清陵陂水自陂東注之 卷三十一第十五葉

清當作青

蓋藉灑汾注 卷三十一第十五葉

汾當作汾

濯水

濯水出汝南吳房縣西北興山 卷三十一第十五葉

興山當作奧山方輿紀要云遂平縣西七十里有奧來

山卽是山也亦見山海經及瀨水注

白羊出北淵 卷三十一第十六葉

北當作此

野母驚仆 卷三十一第十六葉

仆當作扑楚辭天問注手拍曰扑上云俗禁拍手是也

封吳漢孫且爲侯國 卷三十一第十六葉

且范史作旦

瀨水

而東與此水合 卷三十一第十六葉

全氏云此當作泌以先司空本校改寰宇記云唐州泌

陽縣漢舞陰縣泌水在邑界是也

濩水

其水又東流入于濩濩水東北逕于東山西西流入濩 卷三十一第十七葉

全氏云上重文二濩字當作葉陂不然濩水何以流入

于濩乎以汝水注叙澧水文參校正之

水出黃城山 卷三十一第十七葉

水上落有谿二字全氏校增

苦萊于東之間

卷三十一第十七葉

方輿紀要云黃城山在葉縣北十里一名苦萊山一名
長城山萊字誤也

若南北雖無基築

卷三十一第十八葉

若字衍文南北御覽引此文作北面

郡國志曰葉縣有長城曰方城

卷三十一第十八葉

今本郡國志作葉縣有長山曰方城此注落山字彼文
落城字劉昭補註引杜預曰方城山在縣南可證也

晉太康地理志曰

卷三十一第十八葉

理字衍文

以陽翟郭鎮之為尙書令

卷三十一第十九葉

之字衍文郭鎮後漢書有傳

湏水

處平縣衆阜之中

卷三十一第十九葉

縣當作原

而穴內常有風熱火無能以經久故也

卷三十一第十九葉

葉

箋曰舊本作風勢吳本改作風熱按當作風熱而當作
以火字以字俱衍文

水出洪山 卷三十一第二十葉

當作大洪山落大字

山上土山 卷三十一第二十葉

箋曰山上二字疑脫誤按下云富水左合土山水世謂之章水於文當作水出土山

東南逕隋縣西 卷三十一第二十葉

逕當作過

隋為大者也 卷三十一第二十葉

箋曰孫云左傳作隨按隨古作隋戰國策寶珍隋珠蓋不獨楊堅受禪始去走為隋也

晉武太康中立 卷三十一第二十葉

晉武下落帝字

又東南流于澁 卷三十一第二十葉

流下落入字方輿紀要校增

澁水又南逕石巖山北 卷三十一第二十葉

澁水下全氏校增會之二字

追斬于江夏 卷三十一第二十葉

箋曰舊本作斬于江矣吳本改作斬于江夏按春秋分記引此文作江涘說文涘水厓也音俟

蓋澁水又東南流 卷三十一第二十葉

蓋字下落湏水之通稱矣全氏曰以先司空本校增寰
宇記亦云清發湏水之別名可證也

又西南流逕杜城西

卷三十一第二十一葉

箋曰孫按漢志江夏郡有雲杜縣杜城疑誤按漢志江
夏郡無新市縣續志有之蓋東京分安陸縣立也與雲
杜竝列晉志宋志因之則雲杜非新市治所矣方輿紀
要云雲杜城在沔陽州景陵縣西北南新市城在承天
府京山縣東北百里水經注新市治杜城杜佑曰在今
富水縣北箋說非也

分安陸立縣

卷三十一第二十一葉

縣字衍文

澇水

亦云鄉故賴國也

卷三十二第一葉

亦云下落賴字

蘄水

水卽謂巴水也

卷三十二第二葉

水上落五字卽謂下落蘄水希水四字蓋蘄水希水巴
水赤亭水西歸水合爲五水也見宋書夷蠻傳

縣從江州

卷三十二第二葉

從當作徙

水經注卷三十一
謂斬口 卷三十二第二葉

謂下落之字

決水

俗名之爲檀山峴 卷三十二第二葉

山方輿紀要引此文作公亦見梁書裴邃傳

卽注水也 卷三十二第三葉

箋曰孫云當作灌水按非也據漢志是淮水淮卽灌也

非出桐柏之淮然其字相承已古要不可改而作灌

灌水于蓼亦入決 卷三十二第三葉

入決下落縣西蓼邑卽臯陶之封邑也十一字寰宇記

引此文校補

泚水

泚水出廬江灄縣西南霍山東北 卷三十二第四葉

泚水當作泚水後漢書光武本紀云與甄臯梁邱賜戰

于泚水章懷註云泚水在今唐州泚陽縣南廬江灄縣

亦有泚水與此別也章懷所云唐州泚陽縣之泚水是

泚水之誤其云廬江灄縣亦有泚水卽是水也道元云

泚水或作泚以泚與泚音同若从此作泚相去遠矣篇

中泚字俱當作泚

或作泚水又東北逕博安縣 卷三十二第四葉

於文當重一泝字

水出東南踰川 卷三十二第四葉

當作踰鼓川落鼓字

泝水又西北分爲二水出焉 卷三十二第五葉

二水下落芍陂二字

泄水

上承北水 卷三十二第五葉

北當作比卽比水也

於麻步川西北歷山濡谿 卷三十二第五葉

山當作出移在西北下

西與泚水合 卷三十二第五葉

泚當作泚

安豐縣 卷三十二第五葉

安豐縣上落逕字

謂之其濡口 卷三十二第五葉

其濡口當是濡須口之誤

肥水

肥水又北逕獲城東又北逕荻江東 卷三十二第五葉

獲城當作荻城荻江當作荻邱南北朝置戍守于此魏

書李神傳爲陳畱太守領荻邱戍主亦曰荻城梁普通

五年裴邃自合肥拔荻城是也

又北逕死馬塘東

卷三十二第六葉

死馬誤魏書王肅宋書劉劬等傳俱作死虎通鑑宋紀明帝泰始三年殷琰將劉順柳倫皇甫道烈龐天生等馬步八千人東據宛唐胡三省曰杜佑通典作死虎又齊紀東昏侯永元二年蕭懿遣裨將胡松李居士率衆萬餘屯死虎胡三省曰通典曰死虎地名在壽州壽春縣東四十餘里以此證之足知宋書明帝泰始三年劉劬破劉順于宛唐卽死虎之誤也通鑑注引此文作死虜字近致譌通典作死武則唐人避諱故也

肥水東北又合閻澗水上承施水

卷三十二第六葉

箋曰謝據宋本作肥水又北右合閻澗水按非也東北字不誤閻澗當作閻澗上承上當重一水字

北流逕復道縣西

卷三十二第六葉

漢志浚遒縣續志作浚遒晉志作浚道此復道是浚道之誤

水分爲澗二洛澗出焉

卷三十二第六葉

上澗字衍文

魏太尉王陵與吳將張休文戰于芍陂

卷三十二第六葉

文當作大事見吳書顧譚傳

文欽之叛吳軍北入諸葛緒拒之於黎漿卷三十一第七葉

箋曰魏書諸葛誕在壽春被徵爲司空遂舉兵反殺揚州刺史樂綝遣人至吳求救吳遣全懌等與文欽俱來吳將朱異以誕被圍再以大衆來迎誕等渡黎漿水此云諸葛緒拒之於黎漿所未詳也按諸葛緒事在鄧艾傳毋邱儉作亂文欽以後大軍破敗于城下艾追之至邱頭欽奔吳吳大將軍孫峻等號十萬衆將渡江鎮東將軍諸葛誕遣艾據肥陽艾以賊勢相遠非要害之地輒移屯附亭遣泰山太守諸葛緒等於黎漿拒戰逐走

之卽注所引事也

谿水引瀆北山卷三十一第七葉

山當作出

肥水西逕壽春縣城北卷三十一第七葉

縣下落故字

又西石橋門北卷三十一第八葉

又西下落逕字

倉光都水卷三十一第八葉

箋曰史記倉兕倉兕總爾舟楫王充論衡作倉光按非也史記齊世家蒼兕索隱曰本或作蒼雉按馬融曰蒼

兕主舟楫官名王充云蒼兕水獸九頭然則論衡本作倉兕不如朱氏所云

肥水又左納葛陂瀆 卷三十二第九葉

葛當作芍

引瀆壽春北 卷三十二第九葉

壽春下落城字

沈約宋書言大始元年 卷三十二第九葉

泰始是宋明帝年號作大非

故佐龐挺為廟讚 卷三十二第九葉

箋曰一作故吏按故吏猶故佐也挺當从玉作珽

西北流水北出際有曲水堂 卷三十二第十葉

水字當移在北出下

又西北流 卷三十二第十葉

流下落逕八公山四字全氏校增

謝元北禦苻堅祈八公山 卷三十二第十葉

箋曰謝云祈疑作於按祈禱也左氏所謂戰禱也道元故以非八公之靈有助蓋苻氏將亡之惑解之

施水

余案川亡派別 卷三十二第十葉

箋曰川亡字誤當作川流按通鑑釋文辨誤作川殊今

校正

自城父東逕合肥縣城南 卷三十二第十葉

自上落施水二字孫潛校增

居四水中 卷三十二第十葉

居上落城字

沮水

沮水出漢中房陵縣淮水 卷三十二第十一葉

淮水楊慎刊本作淮山山字是也淮字則非矣方輿紀要湖廣大川下云沮水本作睢左傳定四年吳人敗楚及郢楚子出涉睢又哀六年楚子所謂江漢睢漳者也

後作沮又譌爲祖今襄陽以南沮水左右皆曰沮中亦謂之祖中後漢建武二十三年南郡蠻反劉尚討破之杜佑曰潯山蠻也潯亦作祖卽祖中蠻矣郡縣志南漳縣東北一百八里有祖山吳朱然諸葛瑾從沮中險道北出處也吳志赤烏四年朱然圍樊諸葛瑾取祖中漢志沮水出東山蓋異名也沮山本因沮水得名字亦作睢後人因漢志上文有淮山淮水所出之文而誤作淮又譌山爲水今校正

沮水又東南逕當陽縣城北縣城因岡爲阻北抗沮川 卷三十二第十一葉

當陽縣下落故字下縣字衍文抗當作枕

傳云子胥造驢磨二城以攻麥邑

卷三十二第十二葉

麥邑下落即諺所云東驢西磨麥城自破者矣十四字名勝志引此文校增

漳水

新城沛鄉縣界

卷三十二第十二葉

沛鄉當作汴鄉晉書地理志校

縣舊城東北一百四十里

卷三十二第十二葉

舊城下落在字

又南逕于麥城東

卷三十二第十二葉

于字衍文

鳥扶邑

卷三十二第十三葉

鳥當作烏

東至江陵入楊水

卷三十二第十三葉

楊水當作陽水漢書地理志校

夏水

夏水出江流

卷三十二第十三葉

注云江流豫章口東有中夏口此江流字誤當作江津方輿紀要荊州府東南二十五里有夏水口亦謂之豫章口二十里有江津戍或謂之津鄉荊州記江陵縣東

三十里有津鄉蓋沿江津得名漢時于此置戍有江津
長司之夏水蓋出于此江津戍亦見江水注

江之汜也

卷三十二第十三葉

汜當作沱

割華容諸城為穎王都

卷三十二第十三葉

全氏云晉志割南郡之華容州陵監利三縣別立豐都

合四縣置成都郡為成都王穎國今日穎王都文義未

合

晉太原地記

卷三十二第十四葉

原當作康

水又東逕監利縣南

卷三十二第十四葉

水上落夏字

謂之堵口焉

卷三十二第十四葉

堵口是堵口之誤下同詳沔水篇

羌水

羌水出羌中參糧

卷三十二第十五葉

箋曰孫按漢志引水經云羌水出羌中參谷按此師古

注引水經非班固原文參糧當是參狼之譌後漢書羌

無弋爰劍傳云或為參狼種武都羌是也谷因種人得

名狼誤作糧轉寫作糧今本漢書註脫狼字

水又東南逕宕昌婆川城東南 卷三十二第十五葉

水上落白字昌字衍文

從此谷將出北道 卷三十二第十五葉

此谷當作孔函谷三國志校

維更從此道渡橋頭 卷三十二第十五葉

此道作北道三國志校

又東南葭蘆城西 卷三十二第十五葉

東南下落逕字

又東南逕三部城南 卷三十二第十五葉

三部當作五部方輿紀要云階州盤堤城後魏太和四

年置南五部郡尋改為縣寰宇記引郡國志云武都沮

水之西有角弩谷即蜀將姜維勦五部氐羌之所

東南右妾水合 卷三十二第十五葉

右下落與字

涪水

王莽之統睦 卷三十二第十六葉

統睦下落矣字孫潛校增

屈而東西流入于涪 卷三十二第十六葉

西當作南

枝出焉 卷三十二第十六葉

枝下落津字

梓潼水

其水導源

卷三十二第十七葉

導源下全氏校增山中二字

又西南至小廣魏縣

卷三十二第十七葉

箋曰孫云小廣魏當作小廣漢衍一縣字按道元多改

廣漢為廣魏觀涪水篇自知之

亦言涪水至北入漢水亦謂之為內水

卷三十二第十七

葉

北當作此內水下落也字

勢動山谷

卷三十二第十七葉

箋曰勢當作聲按後漢書臧宮傳云右步左騎挾船而引呼聲動山谷明與注左步右騎之文相違酈蓋習用謝書不關范史也

涪水

左沔為三水口也

卷三十二第十八葉

左當作合

江水

小大百數

卷三十三第一葉

大當作水

亦謂之爲天谷也

卷三十三第一葉

當作天彭谷落彭字

漢延平中

卷三十三第一葉

延平當作元延何焯校正

江水自天彭關

至

氏道縣北

卷三十三第一葉

十六字是注混作經

自白馬嶺回行二千餘里

卷三十三第一葉

于胡渭改十

至濕坂

卷三十三第一葉

方輿紀要云茂州茂溼山在州北十二里林木茂密常

有嵐氣益州記云江至溼坂而稍大是也濕當作溼

東北百四十里嶲山

卷三十三第二葉

嶲山上落日字黃省曾本校增

又有湔水入焉

卷三十三第一葉

六字是注混作經

江水又東別爲沱

卷三十三第三葉

七字是注混作經

江水又歷都安縣

卷三十三第三葉

七字是注混作經

堰於江作壩

卷三十三第三葉

於當作闕

又羊摩江灌江西

卷三十三第三葉

又下落引字全氏校增

盛不沒要

卷三十三第三葉

要與腰同

光興上照

卷三十三第四葉

箋曰華陽國志作光映上照按依文自通不必改

江水又逕江鄉縣

卷三十三第四葉

江鄉當作江原漢志校

神歲取童女二人為婦

卷三十三第四葉

神上落江字

吾鬪疲極

卷三十三第四葉

疲黃省曾本作大

永初後學堂遇火

卷三十三第五葉

箋曰舊水經作永年華陽國志作永初謝云宋本作永

平按當從華陽國志為是

有望穿

卷三十三第六葉

望穿下落原字劉昭郡國志蜀郡廣都縣下補註引任

豫益州記曰縣有望川源鑿石二十里引取鄆江水灌

廣都田云後漢所穿鑿者華陽國志云廣都有漁田鹽

井之饒江有漁漕梁山有鐵鑛江西有安稻田穿山崖
過水二十里卽望川源矣若此神功要非李冰不能也
城北十里曰升遷 卷三十三第六葉

華陽國志作升僊橋今改正

江水又東絕縣洛 卷三十三第六葉

江水當作湔水

斯爲北江水又東至南安爲壁玉津 卷三十三第七葉

於文當重一江字壁當作璧何焯云據文選注校寰宇
記云玉津縣本漢南安縣地隋大業中置以江有璧玉
津故以爲名按華陽國志云玉壘山出璧玉

出江源縣 卷三十三第七葉

江源字誤當作江原漢書地理志校

漢武元封四年以蜀都西部邛笮邛理旄牛道 卷三十三
第七葉

漢武下落帝字蜀都當作蜀郡下邛字衍文

文井水又東逕江都縣 卷三十三第八葉

江都當作江原

東南至雲南都之蜻蛉縣 卷三十三第八葉

箋曰都宋本作郡按全氏云蜻蛉縣下落入于僕三字

僕水又逕寧州建寧縣 卷三十三第八葉

晉志云建寧郡蜀置治味縣宋志云建寧太守漢益州郡劉氏更名建寧是郡非縣也縣字誤

故南入謂之屯下 卷三十三第八葉

入當作人古人字與入似

又東至來唯縣入勞水 卷三十三第八葉

又東上落僕水二字

濮水東至交州交阯郡菴冷縣南流入于海 卷三十三第

八葉

全氏云據漢志是勞水入海非僕水也僕水入勞不入海僕水二字衍文

亦謂之平謨水曰外水 卷三十三第八葉

謨當作模亦字當移在日字上通鑑注引此文校正

漢河平中 卷三十三第九葉

河平當作和平

與泚水合 卷三十三第九葉

泚當作泚下同

又東注水北流注 卷三十三第九葉

箋曰孫云注水疑誤北流注下當有之字按注水是渚水之譌注渚音相近注云渚水則未聞是也

有仁道 卷三十三第九葉

仁當作人

其塹之迹猶存

卷三十三第十葉

箋曰塹舊本作鑿按鑿下落鑿字方輿紀要校增

縣有蜀王兵蘭

卷三十三第十葉

箋曰華陽國志云江有兵欄李冰燒之後漢志云有玉岳蘭按兵闌天子之門禁也漢書汲黯傳上嘗坐武帳黯前奏事孟康曰今御武帳置兵闌五兵于帳中也史記索隱曰天子門有兵欄曰司馬門也庾子山作吳明徹墓誌曰長沙楚鐵更入兵欄正使此事蘭欄闌三字通用郡國志之玉岳蘭蓋誤文耳

猶有赤白元黃五色焉赤白照水元黃從焚來

卷三十三

第十葉

箋曰後漢志云越嶲舊本有棘人崖有五色赤白映水元黃按此是華陽國志文劉昭補註郡國志引之道元鈔變其詞以赤白元黃并於五色之上則下文不應又重赤白元黃四字全氏校衍之是也焉字當移在照水之下從焚來補註作魚從楚來當從棘來爲正

符有光洛

卷三十三第十葉

箋曰華陽國志云符有先絡按困學紀聞云孝女叔先雄水經注以爲光終符縣人符有光洛棘道有張帛原

注洛疑卽終字何焯曰雄蓋雒字轉寫之誤後漢書亦
誤當從華陽國志

江水又與符里水合

卷三十三第十葉

八字是注混作經

導源汾關山北水流

卷三十三第十葉

水字衍文

出南廣縣

卷三十三第十葉

出上落水字

洛水出洛縣漳山

卷三十三第十葉

漢志作音山蓋世本有缺畫耳

縣曰廣信也

卷三十三第十葉

漢志莽改雒縣曰吾雒後人不知西京廣漢郡治雒而
以廣漢縣宜爲郡治故改縣曰廣信以實之而不悟其
非也黃省曾本元作吾雒可知舊本不誤也

後洛縣

卷三十三第十葉

後下落治字方輿紀要云漢雒縣屬廣漢郡後漢爲郡
治蓋廣漢本治雒縣之乘鄉安帝時移治涪城後更治
雒縣劉焉徙治縣竹也

益州舊以蜀郡廣漢犍爲三蜀

卷三十三第十葉

犍爲下當重一爲字

為一州稱望 卷三十三第十一葉

為字衍文

洞泉泉出 卷三十三第十二葉

洞當作洞下泉字當作潛

又逕犍為牛鞞水 卷三十三第十二葉

犍為下落牛鞞縣為四字漢書地理志犍為郡有牛鞞

縣蓋因此水得名下云縣漢武帝元封二年置可證也

又逕安漢縣 卷三十三第十二葉

晉書地理志江陽郡有漢安縣宋書州郡志東江陽太

守領漢安縣前漢無後漢屬犍為晉太康地志屬江陽

晉中興書曰穆帝永和二年以漢安獠反復置漢安縣

若安漢則巴郡之屬縣在今順慶府東北三十五里注

誤也二字當倒互

曰中水 卷三十三第十二葉

曰上落亦字

江水逕安漢縣北 卷三十三第十三葉

七字是注混作經安漢二字當倒互

江水東逕樊石灘又逕大附灘 卷三十三第十三葉

十二字是注混作經

漢武帝建初六年 卷三十三第十三葉

建初當作建元

漢武元鼎二年立

卷三十三第十四葉

漢武下落帝字

北逕安縣界之東

卷三十三第十三葉

箋曰孫云北逕安縣疑有脫落按漢志建為有南安縣有符縣按名勝志引此文作安樂縣元和郡縣志云合江縣晉置安樂縣梁改安樂成寰宇記云縣有安樂山注云縣治安樂水會蓋以山水受氏也

故蜀巴

卷三十三第十四葉

此文有脫誤當作故屬巴渠宋書州郡志云魏興太守

領宣漢令永初郡國何徐屬晉昌本建平流雜民又巴渠太守領宣漢令與郡新立是也

巴治江州

卷三十三第十四葉

巴字衍文

巴漢世郡治江州巴水北北府城是也

卷三十三第十五葉

葉

郡字當移在漢世之上

承三江之會

卷三十三第十五葉

三當作二即涪內水蜀外水也

亦謂之為立水矣

卷三十三第十五葉

立水當作粒水

江水北岸

卷三十三第十五葉

水當作之

常璩仲雍竝言

卷三十三第十五葉

當作庾仲雍落庾字

又江水東至枳縣西延江從牂牁郡北流西屈注之

卷三十三第十五葉

江水二字衍文延江下落水字牂牁當作牂柯

東逕陽關巴子梁

卷三十三第十五葉

東逕上落江水二字

今無人居

卷三十三第十五葉

今名勝志作全

江之兩岸有枳縣治

卷三十三第十五葉

兩岸禹貢錐指作南岸方輿紀要云賈耽四夷縣道記

涪陵故城在蜀江南涪江西其涪江南自黔中來由城

之西泝蜀江十五里有雞鳴峽上有枳城即漢枳縣

其水南道武陵郡

卷三十三第十六葉

箋曰宋本作逕按非也當作導

塞射瘡

卷三十三第十六葉

何焯云創古字瘡俗字

而屆于積石東爲桐柱灘

卷三十三第十六葉

積石當作黃石後漢書光武帝本紀岑彭破公孫述將侯丹于黃石章懷注云卽黃石灘也杜佑曰今謂之橫石灘亦謂之石梁桐柱當作銅柱寰宇記云涪陵江中有銅柱灘昔人於此維舟見水底有銅柱故名

又逕東望峽東歷平都

卷三十三第十六葉

九字是注混作經

巴子雖都江平州

卷三十三第十六葉

平字衍文

江水又逕虎鬚灘

卷三十三第十六葉

七字是注混作經

江水又東逕臨江縣南

卷三十三第十六葉

九字是注混作經

王莽之鹽江縣也

卷三十三第十六葉

漢書地理志作監江

泂注谿井水

卷三十三第十六葉

箋曰孫云當作注鹽井谿水按非也井字衍文

江水又東得黃華水口

卷三十三第十七葉

九字是注混作經

左逕石城南

卷三十三第十七葉

九經注卷三十一
五字是注混作經

又東至平洲 卷三十三第十七葉

五字是注混作經

又東逕壤塗而歷和灘又東逕界壇 卷三十三第十七葉

十四字是注混作經

又東過魚復縣南夷水出焉 卷三十三第十七葉

十一字是經混作注

江水又東右得將龜谿口 卷三十三第十七葉

十字是注混作經

江水又東南會北集渠 卷三十三第十七葉

九字是注混作經南會二字當倒互

二谿水涪陵縣界 卷三十三第十七葉

水下落出字

三口相去各數十步 卷三十三第十七葉

三當作二

江水又右逕池谿口 卷三十三第十八葉

又下落東字池當作汜八字是注混作經

江水又東逕右龍 卷三十三第十八葉

右當作石七字是注混作經

又東逕羊腸虎臂灘 卷三十三第十八葉

八字是注混作經

卷三十三第十八葉

江水又東彭水注之

八字是注混作經

彭谿又入逕胸忍縣西六十里南流至于江

卷三十三第

十八葉

彭谿下落水字八字衍文至當作注

江水又東右逕胸忍縣故城南

卷三十三第十八葉

十二字是注混作經

之南岸

卷三十三第十八葉

之上落江字

江水又東逕瞿巫灘

卷三十三第十八葉

八字是注混作經

江水又逕東陽灘

卷三十三第十九葉

七字是注混作經

山有大小石城

卷三十三第十九葉

石城下落勢字巴漢志校增

故地理志曰縣有橘官有民市

卷三十三第十九葉

箋曰按漢志巴郡胸忍縣註云南有橘官鹽官此云民

市蓋傳寫之譌按此篇多志市集有民市三字道元所

自云非引班書亦非傳寫之譌

江水又逕魚復縣之故陵 卷三十三第十九葉

十字是注混作經

江水又東為落牛灘逕故陵北 卷三十三第二十葉

十二字是注混作經

江水又右逕夜清而東歷朝陽道口 卷三十三第二十葉

十四字是注混作經又下落東字

江水又東左逕新市里南 卷三十三第二十葉

十字是注混作經

江水又東右合陽元水口 卷三十三第二十葉

十字是注混作經

水口出陽縣西南高陽山東 卷三十三第二十葉

口字衍文出下落高字方輿紀要歸州興山縣有高陽

城云在縣西楚舊城也劉昫曰興山縣治高陽城晉書

地理志建平郡統興山縣宋書州郡志云今無高陽縣

亦不詳建置之由

江水又東逕南鄉峽東逕永安宮南 卷三十三第二十葉

葉

十四字是注混作經

左右民多墾其中 卷三十三第二十一葉

民下落居字

九經注卷三十一
江水又東逕諸葛亮圖壘南

卷三十三第二十一葉

十一字是注混作經

有亮所造八陣圖

卷三十三第二十一葉

箋曰宋本云所作按造猶作也無異義也

江水又東南逕赤岬西

卷三十三第二十一葉

九字是注混作經南字衍文赤岬下落城字鄭樵通志地理略校增寰宇記夔州奉節縣下云赤甲城公孫述作與舊白帝城相連卽楚地江關之要焉方輿紀要云赤甲山上有石城類要云卽魚復縣之故址也

其土悉赤

卷三十三第二十一葉

土黃省曾本作石

江水又東逕魚復縣故城南

卷三十三第二十一葉

十一字是注混作經

唯裨儵魚人逐之是也

卷三十三第二十一葉

儵當作儵左傳校

東西十七丈

卷三十三第二十一葉

寰宇記引此文作七十

猶斬爲路

卷三十三第二十二葉

斬下落山字寰宇記校增

亦有裁處矣

卷三十三第二十二葉

箋曰處宋本作出按非也裁下落出字

江水又東逕廣谿峽 卷三十三第二十二葉

八字是注混作經

尋則降雨 卷三十三第二十三葉

則當作卽

蓋自昔禹鑿以通江 卷三十三第二十三葉

蓋上落其峽二字黃省曾本校增

夏后疏鑿者 卷三十三第二十三葉

者下落也字

又東出江關入南郡界 卷三十三第二十三葉

九字是經混作注

江水自關東逕弱關捍關 卷三十三第二十三葉

十字是注混作經捍關國策史記作扞關字得通用

自巫上皆其城也 卷三十三第二十三葉

自巫下落東字城當作域

又東過巫縣南鹽水從縣東南流注之 卷三十三第二十三葉

三葉

十五字是經混作注此條經文是三十四卷之首誤截

于此

江水入東烏飛水注之 卷三十三第二十三葉

箋曰克家云入東當作又東按九字是注混作經此條
是三十四卷注之首誤截于此

水出天門郡至鳥飛口卷三十三第二十四葉

此條注是三十四卷之首連下卷江水又東逕巫縣故

城南誤截于此

江水又東逕巫縣故城南卷三十四第一葉

十字是注混作經與上卷注鳥飛口接

江水又東巫溪水注之卷三十四第一葉

九字是注混作經

井南有鹽井卷三十四第一葉

上井字當作水

其水飛清潔石穴竝高泉卷三十四第一葉

潔字當移在石穴之下

江水又東逕巫峽卷三十四第一葉

七字是注混作經

江水歷峽東逕新崩灘卷三十四第二葉

九字是注混作經

漢和帝永元十三年卷三十四第二葉

續漢書五行志是十二年

封于巫山之臺卷三十四第二葉

臺御覽引此文作陽

高唐之姬 卷三十四第二葉

寰宇記引江源記云楚辭所謂巫山之陽高邱之岵岵
字與上下文叶

王命急宣 卷三十四第三葉

王命上落或字御覽引此文校增

不以疾也 卷三十四第三葉

以當作似寰宇記引此文作加

其間清榮峻茂 卷三十四第三葉

榮當作榮

江水又東逕石門灘 卷三十四第三葉

八字是注混作經

斬上夔道 卷三十四第三葉

箋曰吳志作兜道按何焯云夔字是也史誤文

屈原宅于今具存 卷三十四第四葉

屈字衍文原下落田字黃省曾本校正

江水又東逕城北 卷三十四第四葉

七字是注混作經逕下落其字胡渭校增

其城憑嶺作固 卷三十四第四葉

其字衍文

地理志以爲吳子之丹陽 卷三十四第四葉

漢書地理志丹陽郡丹陽縣下云楚之先熊繹所封十

八世文王徙郢此是班固誤記宋祁曰丹陽當作丹楊

是也晉書地道記云丹楊縣丹楊山多赤柳在西寰宇

記潤州丹陽縣下云本漢曲阿縣地唐天寶元年復爲

丹楊縣以邑界楊樹生丹爲名故今字从木爲稱按宋

志亦从木作丹楊樂記故以復爲釋之何焯校衍子字

改陽爲楊

江水又東南逕夔城南 卷三十四第四葉

九字是注混作經

跨據川阜 卷三十四第四葉

跨據上落城字

皆枕深谷 卷三十四第四葉

皆當作背

東帶鄉溪 卷三十四第四葉

鄉口溪見下此落口字

江水又東逕歸鄉縣故城北 卷三十四第五葉

十一字是注混作經

余謂袁松此言 卷三十四第五葉

袁松即袁山松晉書有傳謝安傳作袁崧而是注前後

亦多作袁崧蓋合二字爲一終當以山松爲是
西南入縣 卷三十四第五葉

南黃省曾本作北

江水又東逕信陵縣南 卷三十四第五葉

九字是注混作經

而注大江也 卷三十四第五葉

而注下落于字黃省曾本校增

江水又東過夷陵縣南 卷三十四第五葉

江水二字衍文

盛宏之謂空冷峽 卷三十四第五葉

謂下落之字冷當作洽通典寰宇記俱作空船峽顧祖
禹曰夏秋水泛必空船乃可上然作洽字于義亦得梁
書王僧辯傳作空靈灘卽湘水注之空冷峽也

其間遠望交嶺表 卷三十四第五葉

望下落勢字寰宇記校增

江水歷峽東逕宜昌縣之埗竈下 卷三十四第六葉

十三字是注混作經

江水又東流頭灘 卷三十四第六葉

七字是注混作經東下落逕字

其水竝浚激奔暴 卷三十四第六葉

浚何焯校改峻

倏忽淪沒別無期 卷三十四第六葉

倏當从犬作倏从火作倏非

江水又東逕宜昌縣北 卷三十四第六葉

九字是注混作經

便得宜昌縣 卷三十四第六葉

縣下落也字御覽引此文校增

江水又東逕狼尾灘而歷人灘 卷三十四第六葉

十二字是注混作經

江水又東逕黃牛山 卷三十四第七葉

八字是注混作經

有色如人負刀牽牛 卷三十四第七葉

箋曰孫云當作有石按當作有石色荆州記校增

加江湍紆迴 卷三十四第七葉

加下落以字寰宇記校增

朝發黃牛暮宿黃牛 卷三十四第七葉

二句下御覽引此文有三朝三暮黃牛如故八字今校

補

江水又東逕西陵峽 卷三十四第七葉

八字是注混作經

及余來踐躋此意

卷三十四第七葉

躋孫潛校改齋

始信之耳聞不如親見矣

卷三十四第七葉

之字當移在耳聞下

江水歷禹斷江

卷三十四第七葉

六字是注混作經

南峽北有北谷村

卷三十四第八葉

寰宇記引郡國志曰西陵有七谷村北字誤

江水出峽東南流逕故城州

卷三十四第八葉

十一字是注混作經

據此城降晉遣太傅羊祜接援

卷三十四第八葉

于文當重一晉字

江水又東逕故城北

卷三十四第八葉

箋曰宋本作陸抗故城北按非也若此有陸抗二字則下不應又以所謂陸抗城也釋之八字是注混作經朱氏蓋不識也

四面大險

卷三十四第八葉

大當作天

後復夷陵

卷三十四第八葉

後復下落曰字

嘗有白馬出穴食人逐之 卷三十四第八葉

箋曰食字下疑有禾麥字乃成文理白帖引荆州記正

同但云昔有馬從穴出因復還入潛行乃出漢中按嘗

有白馬出穴 句食句 人逐之自足成文正不必有禾麥

字也

正可見其遠峯耳 卷三十四第九葉

見其黃省曾本作再見

江水又東逕白鹿巖 卷三十四第九葉

八字是注混作經

江水又東歷荆門虎牙之門 卷三十四第九葉

十一字是注混作經下門字當作間後漢書註校

虎牙在此 卷三十四第九葉

此當作北後漢書註引此文校

此三山 卷三十四第九葉

三當作二

劉備曰宜都 卷三十四第十葉

劉備下落改字孫潛校增

下臨青江 卷三十四第十葉

青當作清卽佷山清江也

又東過枝江縣南沮水從北來注之 卷三十四第十葉

十四字是經混作注

江水又東逕上明城北

卷三十四第十葉

九字是注混作經

地理志曰江沱出西南東入江是也

卷三十四第十葉

箋曰江沱當作江沱地理志蜀郡郫縣注禹貢江沱在

西南東入大江按漢志南郡枝江縣下云江沱出西東

入江師古曰沱即江別出者也按此是荊州之沱朱氏

引梁州之沱以相證可謂疎鹵矣又班志枝江之沱無

南字恐是世本脫失耳

大敗於津鄉

卷三十四第十一葉

何焯據左傳校衍鄉字杜預曰津楚地或曰江陵縣有

津鄉

此津鄉縣即其地也

卷三十四第十一葉

箋曰津鄉縣舊本作津鄉宏吳改作縣亦無所據漢晉

地志無津鄉縣也或是似字之譌按何焯曰宏疑當作

殆

中桑田甘果

卷三十四第十一葉

中下落有字

乃漕一洲

卷三十四第十一葉

漕寰宇記作增

義熙初武烈王斬桓謙處 卷三十四第十一葉

箋曰武烈王當是武陵王按宋書高祖討桓元元敗走
江陵乃奉武陵王遵為大將軍承制大赦天下元走至
枚回洲斬首傳京師義熙元年正月劉毅等至江津破
桓謙桓振江陵平按何焯云武烈乃烈武之譌宋臨川
烈武王道規也事見本傳朱氏蓋未詳桓謙復以譙縱
蜀師寇江陵之事耳

其子孫世令 卷三十四第十二葉

世令當作至今隸釋校

江水又東會沮口 卷三十四第十二葉

七字是注混作經

縣江有洲 卷三十四第十二葉

江當作北名勝志校

王昭之 卷三十四第十二葉

昭當作韶

江水又東逕鸞尾洲 卷三十四第十三葉

八字是注混作經

合承大溪 卷三十四第十三葉

承當作成黃省曾本校

江水東得馬牧口 卷三十四第十三葉

九經注疏卷三十一
七字是注混作經

江水又東逕江陵縣故城南 卷三十四第十三葉

十一字是注混作經

縣曰江陵 卷三十四第十四葉

漢書地理志註作江陸

遵善於防攻 卷三十四第十四葉

箋曰孫云防攻當作方功謂以方計土功也按漢書張湯傳云治方中孟康曰方中陵土作方也師古曰古謂掘地爲阬曰方今荆楚俗土功築作算程課者猶以方計之朱氏言之不詳

江水又東逕郢城南 卷三十四第十五葉

八字是注混作經

江水又東得豫章口 卷三十四第十五葉

八字是注混作經

曲而極水曲之地勢 卷三十五第一葉

曲而當作屈西全氏校改

湧水出焉 卷三十五第一葉

湧當作涌

江水又東涌水注之 卷三十五第一葉

八字是注混作經

南通于江 卷三十五第一葉

于江下落二水之間四字

春秋所謂闔敖游涌而逸于二水之間者也 卷三十五第一葉

春秋下通鑑註引此文有左氏傳三字今校增於二水之間五字衍文

江水又逕南平郡孱陵縣之樂鄉城北 卷三十五第一葉

十五字是注混作經

又東右合油口 卷三十五第一葉

六字是注混作經

又東逕公安縣北 卷三十五第一葉

七字是注混作經

杜預克定江南置華容置之 卷三十五第一葉

上置字吳瑄本作罷

南郡治矣以華容之南鄉為南郡 卷三十五第一葉

矣當作吳

北是淵也相接 卷三十五第二葉

箋曰孫云淵當作淪按非也名勝志引此文作淵潭於文當是淵池池字與也字形相近北是誤當作自此

江水左會江口 卷三十五第二葉

六字是注混作經江口楊慎本作高口下云故市口水與高水相通是也

對黃州 卷三十五第二葉

對上落右字趙彥衛雲麓漫鈔云江水東注凡水經左者皆北岸右者皆南岸左會高口高口在北黃州宜在南故云右對也下云江水又東右得聶口左對聶州是其例也

江水又東得故市口 卷三十五第二葉

八字是注混作經

江水又右逕楊岐北山 卷三十五第二葉

九字是注混作經北山二字當倒互寰字記云楊岐山在石首縣西一百步宋鮑明遠楊岐守風詩云洲迴風正悲江寒霧未歇即此也

大江又東左合子夏口 卷三十五第二葉

九字是注混作經

故日子夏也 卷三十五第二葉

箋曰當作故曰夏口也按非也通鑑註引此文是子夏江有江夏中夏之名此云子夏下文子練口是其證也

大江又東左得侯臺水口 卷三十五第二葉

十字是注混作經

大江西得龍穴水口 卷三十五第二葉

八字是注混作經

生死命也 卷三十五第二葉

生下落性也二字寰宇記引此文校增

江水自龍巢而東俞口 卷三十五第三葉

九字是注混作經東下落得字

江水北岸 卷三十五第三葉

水當作之

故監縣尉治也 卷三十五第三葉

晉書地理志云南郡統監利縣寰宇記引荆州圖副云

晉太康五年立落利字

又東得清陽土塢二口 卷三十五第三葉

九字是注混作經

大江西逕石首山北又東逕赭要 卷三十五第三葉

十三字是注混作經

江水左得飯筐上口 卷三十五第三葉

八字是注混作經

江水右會飯筐上口 卷三十五第三葉

上當作下

江水又右得上檀浦 卷三十五第三葉

八字是注混作經

江水又東逕竹畦南 卷三十五第三葉

八字是注混作經

江中有觀詳澆 卷三十五第四葉

詳全氏校改洋

江水又東左得二夏浦 卷三十五第四葉

九字是注混作經

夏浦俗謂之西江口 卷三十五第四葉

夏浦二字衍文

又東逕彭城口 卷三十五第四葉

六字是注混作經

江水自彭城巖東逕如山北 卷三十五第四葉

十一字是注混作經

江水又左逕白螺山南 卷三十五第四葉

九字是注混作經

江中也 卷三十五第四葉

江中下落山字晏公類要校增

江水左逕止烏林南 卷三十五第五葉

八字是注混作經

又東逕烏林南 卷三十五第五葉

按此當作下烏林落下字

江水又東左得子練口 卷三十五第五葉

九字是注混作經

江水左得中陽水口又東得白沙口 卷三十五第五葉

十四字是注混作經

亦謂之流口 卷三十五第六葉

流當作港即長洋港口也

東北流之長洋港東北流逕石子岡 卷三十五第六葉

之當作注長洋港下落又字

江水東右得聶口 卷三十五第六葉

七字是注混作經江水下落又字

江水左逕百人山南 卷三十五第六葉

八字是注混作經

昔周瑜與黃蓋詐魏武大軍所起也 卷三十五第六葉

所起當是處所之誤

江水東逕大軍山南 卷三十五第六葉

八字是注混作經

出江州武昌郡武昌縣泰山 卷三十五第六葉

出上落水字泰山魏書宣武帝紀亦作金山

江水又東逕小軍山南 卷三十五第七葉

九字是注混作經

江水又東逕雞翅山北

卷三十五第七葉

九字是注混作經

沌水上承陽縣之白湖

卷三十五第七葉

陽縣上落沔字白湖上落太字通鑑注寰宇記引此文
竝同今校補兩漢志沔陽縣屬漢中郡晉宋因之後魏
屬華陽郡去江夏絕遠寰宇記漢陽軍下云魏初定荆
州屯沔縣輿地志曰魯山下有城卽吳江夏太守所理
之理晉立沔陽縣屬江夏郡歷宋齊梁因之按魏書文
聘傳云別屯沔口非沔縣也晉書陶侃傳亦云鎮于沌

口移入沔江沔江卽沔口又不云是沔陽惟宋志荊州
總序云刺史陶侃治沔陽後治武昌祝穆方輿勝覽云
魏立荊州屯沔陽爲重鎮蓋在沔水之陽亦卽沔口又
謂之臨嶂城魏始立城晉乃置縣卽舊江夏太守治樂
史之說故爲非矣

逕陽縣

卷三十五第七葉

宋書州郡志江夏太守領沌陽子相江左立寰宇記云
晉于林鄣立沌陽縣屬江夏郡

江水又東逕歎父山南對歎州

卷三十五第七葉

十二字是注混作經

亦曰歎步矣

卷三十五第七葉

歎步黃省曾本作炭步

江水又東逕魯山南

卷三十五第七葉

八字是注混作經

右翼際山也

卷三十五第七葉

右當作古

地理志曰夏水過郡入江夏也

卷三十五第八葉

入江下落故曰江三字漢志校補

然亦曰偃月壘

卷三十五第八葉

然字衍文

陸統

卷三十五第八葉

吳書是凌統陸字誤

江水澁洄狀浦

卷三十五第八葉

狀當作湫

目之為鵠灣鵠山東北對夏口城

卷三十五第八葉

鵠灣鵠山上俱當有黃字

江水左得湖口

至

通安陸之延頭

卷三十五第八葉九葉

九十八字是注混作經

水通大湖

卷三十五第八葉

當作太白湖

東南注于江 卷三十五第八葉

東南寰宇記引此文作東流

江之有武口 卷三十五第九葉

箋曰有宋本作右按右下落岸得二字

宋永嘉二年 卷三十五第九葉

永嘉當作元嘉

江水東逕若城南 卷三十五第九葉

七字是注混作經

東有苦菜 卷三十五第九葉

苦菜下路口字

二口 卷三十五第九葉

二口當作浦口即赤溪夏浦口也

又東逕具巖此 卷三十五第九葉

箋曰宋本作具巖按此當作北

江右岸 卷三十五第九葉

江下落之字

江水右得黎巖北 卷三十五第十葉

七字是注混作經

得其音而忘其事 卷三十五第十葉

事當作字

蠻田超秀爲刺史 卷三十五第十葉

梁書安成王秀傳作田秀超今從魏書孝明帝紀作田

超秀

出黃武山南 卷三十五第十葉

出上落水字

舉水又南東歷赤亭下 卷三十五第十葉

南東二字當倒互

謂之舉洲 卷三十五第十葉

洲當作口

夏有汨水 卷三十五第十葉

夏上落江字

江水又東逕邾縣故城南 卷三十五第十葉

十字是注混作經

漢高帝三年 卷三十五第十葉

三當作元

舊吳時客舍于洲上方便謂所止焉 卷三十五第十葉

時下落築字名勝志引此文校增謂當作唯

鄂縣北江水右得樊口 卷三十五第十葉

九字是注混作經

庾仲雍江水記云 卷三十五第十葉

隋書經籍志校衍水字

乃拔刀急止 卷三十五第十一葉

止當作上

江水又左逕赤鼻山南 卷三十五第十一葉

九字是注混作經

又東逕西陽郡南郡治即西陽縣也 卷三十五第十一葉

十四字是注混作經

江之右岸有鄂縣故城 卷三十五第十一葉

九字是注混作經

舊樊楚也 卷三十五第十一葉

也當作地

孫權以魏黃初元年中 卷三十五第十一葉

中字衍文

依夕 卷三十五第十二葉

箋曰依夕字誤當作依希按非也鍾惺曰依夕猶言傍

晚太平御覽引武昌紀正作依夕

大子鹵簿中 卷三十五第十二葉

大子當作天子

而其首虎以爭之 卷三十五第十二葉

以字當移在而字下

權告天位于此 卷三十五第十三葉

告天下落卽字

又得東五丈又得次浦 卷三十五第十三葉

得東二字當倒互五丈下落浦字又下落東字

江水左則巴水注之 卷三十五第十三葉

八字是注混作經

又東逕軼縣故城南 卷三十五第十三葉

八字是注混作經

東會希水口 至 灤縣故城 卷三十五第十四葉

十九字是注混作經出灤縣上落水字

霖雨暴病 卷三十五第十四葉

箋曰孫云疑作暴澍按孫潛校改疾

大江右岸有厭里口安樂浦 卷三十五第十四葉

十一字是注混作經

江水左得赤水浦 卷三十五第十四葉

七字是注混作經

江水又東逕南陽山南 卷三十五第十四葉

九字是注混作經

江水又東逕西陵縣故城南 卷三十五第十四葉

十一字是注混作經

九系注卷三十一
江水東歷孟家澆至其北卷三十五第十四葉

十九字是注混作經

山連逕江則卷三十五第十五葉

則當作側

蘄水從北東注之卷三十五第十五葉

箋曰克家云疑作北來按北東字本禹貢不誤

江水又得常口卷三十五第十五葉

箋曰宋本作葦口按當作葦口下云浦東有葦山可證也又當作右

此卽西陽尋陽二郡界也卷三十五第十五葉

箋曰西陽一作南陽按宋書州郡志云西陽太守本縣名二漢屬江夏魏立弋陽郡又屬焉惠帝又分弋陽爲西陽國屬豫州在今湖廣黃州府境東南江九江府二百四十里

右岸有土復曰江浦也卷三十五第十五葉

曰當作口

又東得苦菜水水口卷三十五第十五葉

水字重文宜衍

西北流逕陽縣卷三十五第十六葉

當是陽新縣落新字

亦謂之飛夜遊女矣

卷三十五第十六葉

飛夜二字當倒互朱翌猗覺寮雜記云嶺外人家嬰兒衣暮則急收不可露夜土人云有蟲名暗衣夜見小兒衣必飛毛著其上兒必病寒熱久則瘦不可療其形大如蝴蝶水經謂之夜飛遊女搜神記又謂之夜遊女以爲卽鬼車也

咸沃壤

卷三十五第十六葉

咸下落成字孫潛校增

江水口右東得蘭溪水口

卷三十五第十六葉

口當作又右東二字當倒互

又東左得青林口

卷三十五第十六葉

七字是注混作經

卽水

卷三十五第十六葉

寰宇記蘄州廣濟縣下引此文曰江水左傍青林湖卽利水今校補八字利水世本水經注作刊水前後經注俱校改

水經注箋刊誤卷十一終

水經注箋刊誤卷十二

青衣水

縣故有青衣羌國也 卷三十六第一葉

有當作古

桓水

地志曰 卷三十六第二葉

當作地理志落理字

阻漾支津 卷三十六第三葉

阻當作沮

暨于衙嶺之南溪川 卷三十六第三葉

川胡渭校改水

若水

汶山曰苻 卷三十六第四葉

苻華陽國志作夷

河中有蛙嶠山 卷三十六第四葉

箋曰華陽國志云邛都河中有奉嶠山按劉昭郡國志

補注引華陽國志作蟬嶠山今校正

司馬相如定西夷 卷三十六第五葉

漢書是西南夷傳本傳亦有南字今校補

水又與母血水合 卷三十六第五葉

水上落若字

瀘江水 卷三十六第六葉

水下落注之二字孫潛校補

又有光珠穴 卷三十六第六葉

御覽引此文作珠光穴

徒之禁防 卷三十六第七葉

防何焯校改旁

最為高秀 卷三十六第七葉

高秀名勝志引此文作傑秀

瀘水源出曲羅舊 卷三十六第七葉

舊全氏云當作嶠曲羅嶠者嶠人種名唐置曲州以此
看都漢泚住柱呼尹 卷三十六第八葉

箋曰二語未詳按說文漢雨流霤下貌又廣韻布漢流
散也泚汗出也言行道艱苦流汗也呼尹當作呼伊住
柱呼伊停仗呼其疇類也泚伊相叶古三聲通韻惟看
都二字義難通曉

康降賈子左擔七里 卷三十六第八葉

箋曰康降屯名也華陽國志云建寧郡治故康降都督
屯也李充蜀記云蜀山自縣谷葭萌道徑險窄北來擔
負者不容易肩謂之左擔道按蜀志李恢爲康降都督

領交州刺史住平夷後馬忠爲康降都督移治建寧味
縣裴松之曰康降去蜀二千餘里時未有寧州號爲南
中置此職以總攝之平夷城在今雲南陸涼州又曲靖
軍民府南寧縣有廢味縣此蜀漢之康降屯若江由左
擔道卽陰平道鄧艾由之入蜀在今四川龍安府平武
縣界去南中絕遠不得因蜀記左擔字漫引之也

馬搏頰坂 卷三十六第八葉

頰方輿紀要作頰說文頰面旁也非能搏者頰之訓爲
額易說卦傳其于馬也爲的頰是也吳穎芳曰頰字亦
通道藏道家拜天名曰搏頰拜崖嶺峻險馬必低首拳

蹄以上有如搏頰坂由此以得名也

亦咸言至夔道入江 卷三十六第八葉

咸當作或

為母給江膺水 卷三十六第八葉

箋曰華陽國志云為母汲江裔水按全氏云江膺江心也膺字不誤

沫水

又有利慈晉太始九年黃龍二見于慈池 卷三十六第九葉

利慈下落渚字慈池當作利慈全氏校改

水又東逕開邦縣 卷三十六第九葉

水上落沫字

而東出于江源縣也 卷三十六第九葉

源當作原

昔沫水自蒙山至南安而溷崖 卷三十六第九葉

箋曰孫云當作若沫水按非也漢書司馬相如傳云西至沫若水又云故乃關沫若謂沫水及若水也孫汝澄誤以二水為一名又以己意改沫若為若沫繆之甚矣御覽引此文是昔字而當作為

延江水

而南入鼈水

卷三十六第九葉

鼈水當作黠水漢書地理志校下同

而東注于延水

卷三十六第十葉

延水當作延江水下竝同

出犍爲漢陽道

卷三十六第十葉

出上落水字

故邑郡之南鄙

卷三十六第十葉

邑當作巴兩漢志涪陵屬巴郡

將有逕之處

卷三十六第十葉

處字衍文全氏校

又東南至武陵西陽縣

卷三十六第十葉

西陽當作西陽漢書地理志校

太守趙偉

卷三十六第十一葉

續漢書郡國志注引先賢傳作趙厥

酉水東南至沅陵縣入于沅

卷三十六第十一葉

十一字是延江水篇注尾誤作酉水篇經文

存水

周水又東逕牂柯郡之無斂縣北

卷三十六第十一葉

無斂當作毋斂漢書地理志校

溫水

溫水又西南逕滇池于西北

卷三十六第十二葉

箋曰于當作之按非也于下落縣字

溫水又西會水澤

卷三十六第十二葉

水澤當作大澤漢書地理志益州郡滇池縣下云大澤在西是也

橋水東流毋單縣注于溫溫水又東南與古郡之毋撥縣

東

卷三十六第十三葉

橋水東流溫水又東南下俱落逕字孫潛校增漢書地理志毋撥縣師古曰撥之悅反其字从木

與南橋

卷三十六第十三葉

南橋下落水合二字

梁水上承河水與俞元縣

卷三十六第十三葉

與當作于

置興古治宛溫縣

卷三十六第十三葉

箋曰孫云漢志牂柯郡有宛漏縣此宛溫疑誤按今本漢書正作宛溫蓋所見者誤本耳興古下落郡字

是以劉禪分興古之盤南

卷三十六第十三葉

漢書地理志益州郡律高縣監町山出銀鉛師古曰監音呼鴉反今俗本盤字誤也

凡祭祀賓客之祿事

卷三十六第十三葉

祭祀黃省曾本作祭醜

縣有斤南水

卷三十六第十四葉

箋曰漢地志云鬱林郡臨塵縣有斤南水按今漢書作斤員宋祁曰一作斤南朱氏據小宋之說何可以蒙班固乎

又東驤水出焉

卷三十六第十五葉

驤水漢書地理志作驪水

鬱林又東

卷三十六第十六葉

林當作水

謂之臨賀

卷三十六第十六葉

謂之上落亦字臨賀當作臨水

東南流萌渚嶠西

卷三十六第十六葉

流下落逕字

牢水南出交州合浦郡

卷三十六第十七葉

牢字衍文

漢武元鼎六年

卷三十六第十七葉

漢武下落帝字

漕口馬援所漕水東南曲屈通郎湖

卷三十六第十七葉

漕口當作浦口曲屈黃省曾本作屈曲

山南長嶺連接天障嶺西盧容水湊隱山遶西衛北

卷三

十六第十七葉

全氏據後文校衍此二十字

以為界疆 卷三十六第十七葉

界疆二字當倒互

區粟城南長嶺東 卷三十六第十七葉

全氏據後文校衍此七字

隱山繞 卷三十六第十七葉

全氏據後文校衍此三字

東逕區粟故城南 卷三十六第十七葉

故字衍文

交州外城記曰 卷三十六第十八葉

城當作域後同

城西折十角 卷三十六第十八葉

箋曰此十字譌按非也折當作拆集韻拆裂也開也言其城角作十字形開裂也王隱晉書曰何曾尊豪累世蒸餅上不作十字不食亦取開裂象形之義

凡殿南向 卷三十六第十八葉

殿上落宮字

市居周匝繞岨峭地險 卷三十六第十八葉

匝字衍文黃省曾本作市居周居繞岨峭地險亦誤下

居字衍文故知原文無匝字也

必不皆有其實 卷三十六第十九葉

必不二字當倒互

東與盧容水合 卷三十六第十九葉

東字衍文

謂之狼湖 卷三十六第十九葉

狼當作郎

從郎湖入四會漕 卷三十六第十九葉

漕當作浦下同

填尸城觀 卷三十六第十九葉

城當作成謂築成京觀也

晉太康三年省日南部屬國都尉 卷三十六第十九葉

部當作郡

遣武陳延勞佛子 卷三十六第二十葉

武下落士字子字衍文

鬱林南倉通壽冷 卷三十六第二十葉

箋曰林一作水按倉字衍文

吳赤烏十一年魏正始元年 卷三十六第二十二葉

吳赤烏十一年當魏正始九年元字誤

自盧容縣至無戀 卷三十六第二十二葉

箋曰無戀未詳漢志九真郡有無編縣恐是無編之譌
按卷末無變水戀當作變未可以九真無編當之

渡庇景

卷三十六第二十二葉

當作度比景詳本卷

魚食生肉

卷三十六第二十二葉

魚字當移在生字下

令軍水進

卷三十六第二十三葉

水當作大

是有靈神

卷三十六第二十四葉

靈神二字當倒互御覽文校改

脫裸種

卷三十六第二十四葉

脫下落衣字

衛山迴東

卷三十六第二十五葉

箋曰山舊本作北按非也當作曲街迴北下云曲街迴
東可證也

上起塼城一丈

卷三十六第二十五葉

城當作牆

上倚板

卷三十六第二十五葉

上字上落塼字

殺交陞太守寶別駕阮郎

卷三十六第二十五葉

晉書作杜寶阮朗今校補

迴度曲掖 卷三十六第二十五葉

箋曰當作迴廊按非也迴度猶言迴行也

檐宇如承 卷三十六第二十六葉

箋曰宋本作相承按如字不誤乃瞻望擬議之詞

神祠鬼塔 卷三十六第二十六葉

箋曰舊本作神乾按祠字不誤

與其兒落金席上光色起 卷三十六第二十六葉

金字當移在席上之下黃省曾本校正

更於草甲萌芽 卷三十六第二十七葉

箋曰更宋本作至草甲舊本作草更按甲字不誤易曰

百果草木皆甲坼後漢書章帝紀云方春生養萬物孚

甲注云葉裏白皮也

扶南去林邑四千 卷三十六第二十八葉

四千下落里字

晉功臣表所謂金遴清逕 卷三十六第二十八葉

遴當作遴金遴地名張籍詩行人幾日到金遴亦作金

鄰吳都賦云金鄰象郡之渠梁書扶南傳云次伐金鄰

國是也

儋耳俱在朱崖 卷三十六第二十九葉

朱崖當移在俱在之上俱在下又有脫文詳本卷
入項陵東南者也 卷三十六第二十九葉

山海經作須陵項字誤

言始則可 卷三十六第二十九葉

則黃省曾本作或

淹水 葉榆水

因名弔鳥 卷三十七第二葉

因名下落曰字

一子不能去 卷三十七第二葉

一黃省曾本作小

榆水不逕其縣 卷三十七第三葉

當作葉榆水落葉字下同

東南逕秦藏縣也 卷三十七第三葉

也字衍文

同注滇澤 卷三十七第三葉

漢書地理志註作滇池澤落池字

又東北流滇池縣南 卷三十七第三葉

流下落逕字

東逕梁水郡北 卷三十七第四葉

箋曰梁水字誤當作卑水漢地志越巂有卑水縣按溫

水注云溫水上合梁水故自有梁水之稱是以劉禪分興古之盭南置郡于梁水縣也宋志梁水太守晉成帝分興古立晉書王遜傳云分永昌爲梁水郡蓋西晉廢而東晉復置耳若卑水是縣名越嶺之去南中道里隔越朱氏誤矣

諸葛亮入南 卷三十七第四葉

南下落中字

交阯外域記 卷三十七第五葉

當作交州阯字誤

將妻起賊 卷三十七第六葉

妻當作詩蓋徵側將其夫作賊也黃省曾本校

越遣太子名始 卷三十七第七葉

當作南越落南字下竝同

安陽王有女名曰眉珠 卷三十七第七葉

南越志作媚珠眉字誤

左合此水 卷三十七第七葉

此當作北

交州刺史杜惠度 卷三十七第八葉

惠晉書作慧下同古二字本通用論語釋文云小慧魯讀慧爲惠可證

赴火而死 卷三十七第八葉

火晉書作水

其水又東逕曲易縣 卷三十七第八葉

箋曰孫云曲易當作由易漢志交阯郡有由易縣按漢

志續志晉志皆作曲易古陽字無作由易者

東南流入稽度縣 卷三十七第八葉

漢書地理志是稽徐縣度字誤

本縣交阯郡治也 卷三十七第八葉

本縣二字當倒互

縣本自交阯南行 卷三十七第八葉

本字衍文

江水對交阯朱戴縣 卷三十七第八葉

水黃省曾本作北

林邑記所謂外越安定縣紀粟者也 卷三十七第九葉

縣字衍文

縣江中有潛牛 卷三十七第九葉

劉昭郡國志補注引交州記作有潛水牛落水字縣字

衍文

夷水

夷水又東逕建平沙縣 卷三十七第九葉

晉書地理志建平郡統沙渠縣落渠字

夷水自沙渠入縣 卷三十七第十葉

入縣二字當倒互

能中者舉以為君 卷三十七第十葉

舉黃省曾本作奉

即鹽陽石也 卷三十七第十一葉

鹽字衍文

將知是陰石 卷三十七第十一葉

是字衍文

都孫昔尚孝 卷三十七第十一葉

箋曰孝字當作存按昔當作息

卒至六月中 卷三十七第十二葉

卒黃省曾本作言

有石林甚整 卷三十七第十二葉

林當作牀

雜石中耳 卷三十七第十三葉

雜石孫潛校惟實

大者悉多倒懸 卷三十七第十三葉

箋曰悉一作如烏按於文大者下落如鳥二字悉字宜存

油水

東過其縣北

卷三十七第十四葉

箋曰據宋本補五字按此五字經文當補在注入油水也之次行另為一條趙琦美本校正

王莽更名孱陵也

卷三十七第十四葉

漢書地理志作孱陸

澧水

西碣充縣廢省臨澧卽其地縣臨封縣之故治

卷三十七第十四葉

第十四葉

碣當作揭廢省臨澧四字衍文當作後卽其地為臨澧

縣之故治全氏校改

茹水東流澧水

卷三十七第十四葉

箋云克家云當作東流入澧水按孫潛校增注字

澧水又東逕零陽縣南蘊郡零溪以著稱矣

卷三十七第

十五葉

蘊字誤全氏校改緣移在郡字下

右會澩澩木出建平郡

卷三十七第十五葉

澩木二字誤當作右會澩水水出建平郡

採常以冬月

卷三十七第十五葉

採下落之字

廣二百丈

卷三十七第十六葉

廣二百丈下御覽引荊州圖副記有門角上各生一竹倒垂下拂謂之天帝天中記引此文亦有之今校補

澧水又東歷層步出

卷三十七第十六葉

出當作山方輿紀要云澧州石門縣有層步山在縣東北三里外望如一內有三重

水出西北天門郡界

卷三十七第十六葉

北當作南

南流歷岑評屯

卷三十七第十六葉

評方輿紀要作坪此是吳屯所也吳書周泰傳荊州平

定將兵屯岑是也

澧水又東逕安南縣南

卷三十七第十六葉

晉書地理志南平郡統南安縣安南二字當倒互

王仲宣贈孫文始詩曰

卷三十七第十六葉

文選贈答詩有王仲宣贈士孫文始一首李善註引三輔決錄注曰士孫孺子名萌字文始落士字萌卽士孫瑞之子獻帝都許錄瑞功封萌都亭侯

謂之決口

卷三十七第十六葉

箋曰克家云疑作湖口按當作沙口卽赤沙湖口也上云澧水又東與赤沙湖水會是也

沅水

沅水出牂柯且蘭縣

卷三十七第十六葉

漢志續志皆作故且蘭落故字詳本卷

東逕無陽縣

卷三十七第十六葉

箋曰舊本作注文據宋本是經文按非也仍當作注說

詳本卷

對無水

卷三十七第十七葉

對上落縣字

蓋以蒼梧郁州佐山之類也

卷三十七第十七葉

以當作亦佐山當作東武怪山全氏校正

水又一

卷三十七第十七葉

水上落沅字一當作東

水出義陵郡義陵縣

卷三十七第十七葉

當是武陵郡義字誤

其城劉備之秭歸焉出五溪

卷三十七第十七葉

箋曰秭歸以下有脫誤按此處無脫文焉當作馬良二

字之猶往也詳本卷

東南流獨母水

卷三十七第十七葉

流下落合字孫潛校增

謂雄溪櫛溪力溪無溪酉溪辰溪其一焉

卷三十七第十

箋曰宋書說五溪曰雄溪楠溪酉溪瀟溪辰溪而無力
溪二字按後漢書馬援傳章懷注引酈注及東坡小圃
五詠蕙苴詩王十朋集註李厚引水經注俱無力溪唐
宋相沿足證世本之誤

悉是蠻左右所居 卷三十七第十八葉

六朝人稱蠻郡曰左郡蠻縣曰左縣故稱蠻左謂五溪
蠻也右字衍文

故謂此蠻五溪蠻也 卷三十七第十八葉

此蠻下落為字

水又逕沅陵縣西 卷三十七第十八葉

水上落沅字

下有二石 卷三十七第十八葉

石下落室字孫潛校增

故不可以言也 卷三十七第十八葉

不可下落得字孫潛校增

移縣治縣之舊城 卷三十七第十八葉

下縣字衍文

東南流陽故縣南 卷三十七第十九葉

箋曰陽故縣上缺一無字按無陽上又落逕字

承明討五溪蠻營軍所築 卷三十七第十九葉

築下落也字

沅水又東溪水南出茗山 卷三十七第十九葉

箋曰一作沅水又合東溪溪水南出茗山按本文無脫字

北瀉沅川水 卷三十七第十九葉

水字衍文

故謂夷望也 卷三十七第二十葉

謂下落之字

龔元之 卷三十七第二十一葉

何焯云宋本晉書作龔元之通志氏族略晉有隱士龔

元之南史有龔為蓋希姓也

割漢北與秦至三十年又取楚巫黔及江南地以為黔中

郡 卷三十七第二十一葉

割上落楚字又取上落秦字

山西帶循溪 卷三十七第二十一葉

循當作脩

吳丹陽太守李衡 卷三十七第二十一葉

當作丹楊

城側沅水 卷三十七第二十二葉

城下落臨字

其上承諸湖 卷三十七第二十二葉

其下落水字

浪水

鬱水鬱林之阿林縣 卷三十七第二十二葉

鬱水下落自字

蒼梧太守長沙吳臣 卷三十七第二十二葉

三國志吳書步騭傳是吳巨臣字誤下竝同

縣有鵠奔亭 卷三十七第二十三葉

箋曰搜神記云鵠奔亭謝承後漢書作鵠巢亭按列異

傳云鵠奔亭方掘其屍時有雙鵠來奔其亭故名江淹
獄中上書曰梧邱之魂不愧于沈首鵠亭之鬼無恨于
灰骨正使此事

蓋乘斯水西入越也 卷三十七第二十四葉

西當作而

使陸賈就立他為越王 卷三十七第二十四葉

史記尉佗傳是南越王

慎厥其身 卷三十七第二十五葉

箋曰厥一作終按於文是慎終厥身其字衍

廣州記稱吳平晉盧循為刺史 卷三十七第二十五葉

三國志註引交廣記是滕脩晉書有傳

脩始復謝 卷三十七第二十六葉

復當作服交廣記云脩乃服之是也

員水又東南一千五百里入南海 卷三十七第二十六葉

十三字是注混作經

資水

又逕都梁南 卷三十八第一葉

都梁下落縣字

以封長沙定王子敬侯定之邑也 卷三十八第一葉

敬侯定當作遂史記年表校

東北流逕扶陽縣南 卷三十八第一葉

宋書州郡志云邵陵太守領扶縣今漢舊縣晉曰夫夷

漢屬零陵晉屬邵陵今云扶者疑是避桓溫諱去夷夫

不可為縣名故為扶云陽字衍文

謂之邵陵浦口水也 卷三十八第二葉

箋曰謝耳伯云當作浦水口按本文不誤謝說非也

縣故邵陵也 卷三十八第二葉

邵陵當作昭陵說見下

谿又東得高平水口 卷三十八第二葉

又當作水

西南流高平縣南

卷三十八第二葉

流下落逕字

西北流逕邵陵南

卷三十八第二葉

邵陵當作邵陽宋志云邵陵太守領邵陵子相何志屬
長沙二漢無吳錄屬邵陵又邵陽男相吳立曰昭陽晉
武改晉志邵陵統邵陵縣又統邵陽縣是也則昭陵是
吳所置亦晉武改之而沈約不云當以水經注正之
謂之邵陽水口 卷三十八第二葉
箋曰克家云當作邵陵按邵陽字不誤不得因上有邵
陵浦口水而改之

漣水

資水之別

卷三十八第三葉

全氏云四字是注混作經以先司空校本改

湘水

應邵曰湘出零陵山

卷三十八第三葉

漢志註無陵字何焯云此長沙臨湘縣之零山不可妄
加陵字

又東北逕觀陽

卷三十八第四葉

觀陽下落縣字

漢武元朔五年

卷三十八第四葉

漢武下落帝字後同

南流山 卷三十八第四葉

流全氏校改畱

其水導源西北流縣馮谿以託名焉 卷三十八第五葉

馮谿二字當移在導源下

是商州改裝之始 卷三十八第五葉

州當作舟

都谿水又南逕新縣東 卷三十八第五葉

方輿紀要道州寧遠縣下云春水亦曰春陵水出春陵山東南流入桂陽藍山縣界下流至衡州府常寧縣入

于湘水又云縣有都谿水歐陽忞曰卽春陵水也常寧

縣古新寧縣三國吳時析耒陽縣置新平縣晉書地理

志新寧縣屬湘東郡元和郡縣志云吳置新平縣宋元

徽中號新寧下云新寧故新平也又云春水又北逕新

寧縣東蓋都谿在南而春水在北互受通稱津渠灌注

矣此文新下落寧字

谿水又北流注于營陽峽 卷三十八第六葉

谿水當作營水

本泉陽之北部 卷三十八第七葉

泉陽當作泉陵漢書地理志校

其水濁揚清汎濁 卷三十八第七葉

上濁字衍文

湘水北又歷印石 卷三十八第九葉

北又二字當倒互

石在衡水縣南 卷三十八第九葉

方輿紀要云衡山縣漢湘南縣地三國吳析置衡陽晉

改衡山水字誤

江水又有磐石 卷三十八第九葉

江水當作湘水又當作右側二字名勝志校改

臨水而石悉有跡 卷三十八第九葉

而字衍文

治洪水血馬祭山 卷三十八第九葉

治上落禹字血馬當作用白馬全氏校改卷四十衡山

注同

太守何承天徙郡湘西矣 卷三十八第九葉

太守上落晉字郡當作治

日華水出桂陽郴縣華山 卷三十八第九葉

當作日華山落日字

澆水從東注之 卷三十八第十葉

從東下落南來二字以澆水篇經文校補

而傍湘水

卷三十八第十葉

而當作西方輿紀要云建寧城在湘潭縣西百六十里
湘江亦在縣西是也

水又北逕昭山西

卷三十八第十葉

水上落湘字

水西有橘洲子戍

卷三十八第十葉

箋曰孫云疑作橘子洲戍按子戍戍之小者耳猶子城
之類

故南境之地也

卷三十八第十葉

故下落楚字名勝志校增

郡廨西陶侃廟

卷三十八第十葉

西下落有字

預發冢人

卷三十八第十葉

預當作豫

湘浦矣

卷三十八第十葉

矣準上文當作也

湘水又左岸有高口

卷三十八第十葉

箋曰又宋本作之按又字衍文

受湘西入焉

卷三十八第十葉

受上落首字

水經注卷之三十一
高水南北與下鼻浦合 卷三十八第十二葉

南黃省曾本作西

南流于錫謂之三陽逕 卷三十八第十三葉

南流下落注字陽當作錫

湘水又北津北 卷三十八第十三葉

又北下黃省曾本有枝字于文是枝津北出津北下又

落出字

又合黃陵水口 卷三十八第十三葉

又黃省曾本作右

如樛蒲矣 卷三十八第十三葉

初學記引此文作如樛蒲矢今校正

秦長沙立郡 卷三十八第十四葉

立字當移在長沙之上

卽羅淵也 卷三十八第十四葉

羅淵上落汨字說文校補

世謂汨羅口 卷三十八第十四葉

謂下落之字

湘水自汨口 卷三十八第十四葉

汨下落羅字顧景范曰汨羅江源出江西寧州之柏山
流逕岳州府平江縣至長沙府湘陰縣境分爲二水一

南流曰汨水一西逕古羅城曰羅水復折而北出至屈潭復合故曰汨羅又西流注于江謂之汨羅口

湘水左會水青口 卷三十八第十五葉

當作清水口長沙府志云清水潭在益陽縣西七里

世或謂之麋湖口也 卷三十八第十五葉

口字衍文

水又北逕金浦戍 卷三十八第十五葉

水上落湘字

此四水同注洞庭北北會大江 卷三十八第十五葉

北字重文宜衍

北對大江 卷三十八第十六葉

對黃省曾本作屈

灘水

出西北邵陵縣界 卷三十八第十六葉

出上落水字

故山水即名焉 卷三十八第十七葉

此句下御覽引此文有驗其山有石竇下深數丈洞穴深遠莫究其極十八字今校補

魏文帝咸熙二年 卷三十八第十七葉

咸熙是曹奐年號裴松之註引魏世譜曰諡曰元皇帝

文字誤

山臨水 卷三十八第十七葉

山臨下落灘字

石間有色類羊 卷三十八第十七葉

箋曰孫云當作有石按色字不誤如作石字則云石間有石類羊豈可通乎下云石色狀雞可證也

山石色狀雞 卷三十八第十七葉

山字衍文

谿水又南注熙平 卷三十八第十七葉

熙平下落水字

塘水從山下注塘 卷三十八第十七葉

塘水黃省曾本作有水

因名此潭為朝夕塘矣 卷三十八第十七葉

潭黃省曾本作塘

謂之平水 卷三十八第十八葉

平樂水名縣取名焉上云左合平樂谿口是也落樂字

出永豐縣西北濡山 卷三十八第十八葉

出上落水字

又注于灘水之上有灘水關 卷三十八第十八葉

於文當重灘水二字下灘水字當移在又注于之下

水經注卷三十八
出臨賀富川縣北符靈岡

卷三十八第十八葉

出上落水字

溱水

肆水出臨武西南

卷三十八第十八葉

肆當作肆

谿之東南流

卷三十八第十八葉

箋曰之宋本作又按當作水

左會黃冷谿水谿水出郴縣黃冷山

卷三十八第十八葉

兩黃冷俱當作黃岑何孟春郴陽志曰黃岑山或曰王禽山又曰騎田嶺五嶺之一也宜章一縣之水南出韶

之樂昌以入于曲江與耒水注可互證也下谿字衍文

武水又南入里山

卷三十八第十八葉

里當作重

崩千餘丈

卷三十八第十九葉

千當作十

王歆始興記曰

卷三十八第十九葉

當作王歆之落之字後同

林水源裏有室

卷三十八第十九葉

太平廣記引水經作有石室落石字

列羅十瓮

卷三十八第十九葉

太平廣記引水經列作行

以銀相備 卷三十八第十九葉

備太平廣記引水經作償

視則奴死銀在矣 卷三十八第十九葉

太平廣記引水經視上有覺字

俄頃即熱 卷三十八第十九葉

熱當作熟

又言縣皆號曲江曲山名也 卷三十八第十九葉

皆當作昔曲江當作曲紅下曲字下落紅字金石錄跋
尾校正隸釋及楊慎水經碑目黃省曾本同名勝志曰

漢志桂陽郡有曲江縣舊圖經漢置曲紅縣以東連曲

紅岡也後因其下有江故改名曲江亦非也說詳本卷

連谿山即大庾嶺也 卷三十八第二十葉

連當從水作漣

謂之漣 卷三十八第二十葉

漣下落口字

其高百仞 卷三十八第二十葉

箋曰其一作石按其字不誤

石本桂陽武城縣 卷三十八第二十一葉

箋曰兩漢地志桂陽郡但有臨武縣而無武城疑字誤

也按沈炳巽云晉志桂林郡統武城縣朱氏但見誤本作桂陽疑武城縣之有譌而不知爲孫吳所置陽當作林

漆水自此有始興大江之名 卷三十八第二十一葉

大江當作大庾上云庾仲初謂之大庾嶠水也

出淮浦關 卷三十八第二十一葉

淮浦關見漚水篇淮字誤

舊益縣也 卷三十八第二十一葉

益當作漢漢書地理志桂陽郡有滇陽縣

是以今行者 卷三十八第二十一葉

箋曰宋本舊本俱作今者吳本增一行字按蓋宋本舊本有脫字耳何足據也

山海經所謂漚水出桂陽西北東南注肆入郭浦西者也 卷三十八第二十二葉

漚水當作湟水肆當作肆郭浦當作敦浦

壇宇虛肅 卷三十八第二十二葉

虛當作靈

吾家在觀前 卷三十八第二十二葉

觀下落岐字

漚水

而又與斟水合

卷三十九第二葉

又當作右

涯水又南逕縣故城西

卷三十九第二葉

箋曰孫按南逕下疑脫含涯二字按全氏云先贈公云見宋本是陽山二字

涯水又南東流也

卷三十九第二葉

南東二字當倒互

東出堯山

卷三十九第三葉

東上落水字

深水 鍾水

鍾水出桂陽南平縣都山

卷三十九第四葉

箋曰宋本作部山按非也都山卽都龐嶠也東坡有送邵道士彥肅還都嶠詩王梅溪註曰洞天福地記三十六小洞天第二十都嶠山是也未可因注部龍字擅相改易

雞桂聲相近

卷三十九第四葉

雞當作灌上云嶠水南入始興灌水此云灌桂聲相近故字隨讀變也經仍其非矣酈蓋以經文灌水爲非也方輿紀要云桂陽州蘭山縣漢南平縣地有歸水源出九疑山合縣諸水入桂陽州界會舂陵水又曰舂陵水

又名春水亦曰鍾水蓋歸灌聲之轉歸水卽灌水亦卽桂水也經注竝誤灌爲雞蓋俗本之失

又東北入于湘 卷三十九第四葉

六字趙琦美本別爲一條在魏寧縣注後

耒水

汝縣在郡東三百里餘 卷三十九第五葉

汝下落城字宋志桂陽太守領汝成令江左立即注汝城縣也今郴州桂陽縣地

縣有綠水出縣東侯公山 卷三十九第五葉

卮林云荊州記桂陽郴縣東界狹公山下有淥溪源官

常取此水爲酒晉書武帝太康元年簡文帝咸安元年竝薦鄴淥酒于太廟豈合鄴湖淥溪之醞爲裸鬯嘗耐之典與綠水當作淥水侯公山當作狹公山

昔吳隱之挹而不辭 卷三十九第五葉

辭當作亂晉書校改

貪豈謂能汙其真乎 卷三十九第五葉

真當作貞

內有白虎 卷三十九第六葉

白黃省曾本作石

又曰 卷三十九第六葉

黃省曾本作又說

穿二井 卷三十九第七葉

二孫潛校改一

縣有漢水 卷三十九第七葉

漢當作溪

川之北石盧塘 卷三十九第七葉

石全氏校改有

倫漢黃門郎 卷三十九第八葉

黃門郎士人之官倫是宦者不當有郎字

尙有鄴縣故治此 卷三十九第八葉

故下落城字

涿水

下注涿水謂之容口 卷三十九第九葉

容口下當接十行水有大穴容一百石出於此水因以

名曰十六字出於此水當作水出于此名曰當作名焉

縣有歷水 卷三十九第九葉

歷水下當接十一行下注涿水云云

容水下注水謂之歷口 卷三十九第九葉

箋曰下注下脫涿字按容水二字衍文下注涿水上接

前十行縣有歷水

遺味在茲

卷三十九第九葉

味黃省曾本作咏

漉水

余謂漉淥相近

卷三十九第十葉

漉淥下落聲字

瀏水

瀏水出臨湘縣東南瀏陽縣

卷三十九第十葉

宋志湘州刺史治臨湘領瀏陽侯相吳立縣字誤

澗水

世猶謂之爲羅侯

卷三十九第十葉

羅侯下落城也二字孫潛校增方輿紀要云羅縣城在

湘陰縣東六十里春秋時羅國地秦置縣漢晉皆屬長

沙郡

又西累石山

卷三十九第十葉

又西下落至字全氏校增

贛水

劉澄之曰縣東南有章水西有貢水西是爲謬也

卷三十

九第十一葉

下西字衍文是爲謬也四字當移在因以名縣焉之下

縣治二水之間三語尙是劉澄之之詞是爲謬也下是

道元解說如此宋李厚註東坡詩引水經注亦無四字
可知世本之誤

而不知遠失其水實矣 卷三十九第十一葉

水字衍文

逕贛縣東 卷三十九第十一葉

逕上落又北二字胡渭校增

十三州志曰稱廬水西出長沙安復縣 卷三十九第十二

葉

箋曰安復當作安成漢地志長沙安成縣莽曰用成按
全氏云考晉太康中改安成爲安復宋齊因之闕氏作

志時稱安復是也唯是縣改安復時郡亦改稱安成則
當云安成安復不當襲舊隸曰長沙也朱氏欲改安復
爲安成殆不考晉志故耳曰字衍文

卽王莽之用成也 卷三十九第十二葉

漢志註作思成今校正

漢獻帝初平二年 卷三十九第十二葉

箋曰一作興平按吳書孫策以興平二年渡江焉得有
初平立郡之事乎此等直當據史改正耳

王莽之循曉也 卷三十九第十二葉

漢志作脩曉今校正

贛水又逕谷鹿洲 卷三十九第十四葉

谷鹿洲下落即蓼子洲也五字名勝志引此文校補

贛水又北逕南昌縣城西 卷三十九第十四葉

縣下落故字

豫章郡樹生庭中 卷三十九第十四葉

郡字當作樟河水注引應劭漢官校

豫章常為生 卷三十九第十四葉

章當從木作樟

云王子喬控鶴所逕過也 卷三十九第十五葉

鶴當作鵠

水通大江 卷三十九第十六葉

寰宇記作章江大字誤

水盛則閉之 卷三十九第十六葉

水盛下全氏校增旱字

校尉豫章因運出之力 卷三十九第十七葉

全氏曰校尉失其姓名出字疑作米按校尉豫章疑作

豫章校尉倒互耳

水又西流注于贛又有僚水入焉 卷三十九第十七葉

水上孫潛校增鄱字僚水全氏云寰宇記作僚水以范

史校之良是

其水東北逕昌邑

卷三十九第十七葉

寰宇記云昌邑城在洪州北水路一百三十七里雷次宗豫章記云昌邑王賀旣廢之後宣帝封爲海昏侯東就國築城于此注落城字

脩水出艾縣而東北逕豫章寧縣故西安也

卷三十九第

十八葉

而名勝志作西豫章寧縣章字衍文晉書地理志豫章郡統豫章縣無豫寧縣豫章記云豫章縣建安立皆誤也考豫章名縣前乎此王莽改鄴陽曰豫章後乎此隋平陳廢豫章郡爲豫章縣要非所論于漢晉之世也宋

書州郡志豫章太守領豫寧侯相漢獻帝建安中立吳曰要安武帝太康元年更名要字亦誤當作西方輿紀要江西南昌府武寧縣下云西安廢縣後漢置晉以後曰豫寧宋王僧綽封豫寧侯是也

同漆一瀆

卷三十九第十八葉

箋曰漆宋本作湊按漆與臻同漢書王褒傳萬祥畢漆是也

廬江水

山圖曰

卷三十九第十八葉

山上落開字

本性匡 卷三十九第十八葉

性當作姓

同烏號 卷三十九第十九葉

同上落事字

下散漫千數步 卷三十九第二十葉

數御覽引此文作許

吾何面于當世也 卷三十九第二十一葉

廣記引搜神記面下有目字

逕見二女子于岸側 卷三十九第二十一葉

逕御覽引此文作遙

山東有石鏡照水之所出 卷三十九第二十一葉

箋日照水未詳按下云又有二泉常懸注若白雲帶山

即石鏡所照之水也

晨光初曜 卷三十九第二十一葉

曜名勝志引此文作散

悉巨井 卷三十九第二十一葉

悉下落成字孫潛校增

漸江水

故名新安 卷四十第二葉

吳書賀齊傳是新定安字誤

齊以鐵杖椽山 卷四十第二葉

杖字誤當作杙音弋槩也鐵杙者取寸鐵如木槩所以緣而升山也

于是立始新之尉 卷四十第二葉

箋曰宋本作都尉按始新無都尉據吳書賀齊傳是立始新府耳尉字誤也

高十丈五尺圍 卷四十第二葉

箋曰孫云十丈當作一丈五尺宋本作五十按非也圍字當移在五尺之上本文無誤也

不勝卒 卷四十第二葉

不勝下落哀字

浙江水又北逕新城縣桐溪注之 卷四十第二葉

水字當移在桐溪下

西臨後澗 卷四十第三葉

後當作浚

名曰蛟龍池 卷四十第三葉

蛟御覽引此文作浣

中道挾水 卷四十第三葉

挾當作夾下連山挾水之挾同

逕白山之陰 卷四十第三葉

方輿紀要廣德州靈山下云又南十里曰桐山亦曰桐源山一名白石山桐水發源于此又曰桐水源出州南白石山或謂之白石水杜氏曰白石之水衝突則三湖皆為泛濫是也注落石字

桐廬谿又東北逕新城縣入浙江 卷四十第三葉

桐廬縣名桐谿谿名二名不相及今連稱之非也廬字衍文

縣故富春也孫權省并桐廬咸和元年復立為縣 卷四十第三葉

孫權下落置後二字元當作九以宋志校正

以討士琮 卷四十第四葉

箋曰吳志全琮此云以討士琮疑是字誤按全氏云當作以討山越命全琮于文義方合

建武十六年縣民郎雅亂 卷四十第四葉

建武當作建安郎雅當作郎稚吳書賀齊傳校亂上落作字

王莽之進睦也 卷四十第四葉

何焯曰進宋本漢書作淮俗本誤全氏曰義門之言是也梁書劉仁茂反侯景拒謝荅仁于下淮陳書畱異出下淮抗禦沈恪皆即其地

縣南有大壁山

卷四十第四葉

箋曰孫云疑作大滌山按非也名勝志云由拳山一名

大辟山此山在大滌之左壁

後有羣鳥銜鼓

卷四十第五葉

箋曰異苑云羣鳥銜鼓集顏所居村按寰宇記義烏縣

下引異苑云羣鳥助銜土塊爲墳鳥口皆傷朱氏所引

係誤本

穀水入焉

卷四十第五葉

漢志作穀水黃省曾本原是穀字

東陽郡

卷四十第五葉

東陽郡上落隸字

與永康水合

卷四十第五葉

永康下落谿字

上承信安縣之蘇姥布

卷四十第六葉

上承上落水字

有如石牀

卷四十第六葉

如石二字當倒互

谿水又連逕長山縣北

卷四十第六葉

連當作東

支鼎而爨

卷四十第七葉

箋曰舊本支鼎作梧鼎按梧鼎出范史徐登傳支鼎義自通

昔子胥死于吳 卷四十第八葉

死當作亮全氏云隋人避諱改忠爲亮今誤作死字非也

文種城於越 卷四十第八葉

何焯云隋人避忠字寫本乃作誠又譌作城

葬于重山 卷四十第八葉

重山寰宇記作種山御覽云吳會稽分地曰種山大夫種所葬也在西鄉郭外後潮水穴山漂去其屍俗云伍

子胥乘潮水取以去今山脅有缺處

此湖草穢壅塞 卷四十第九葉

穢當從草作蕨下同

行旅所從以出浙江也 卷四十第九葉

此處有錯簡依全氏本校正浙江也下接十五葉十一行浙江又東逕禦兒鄉至湖水上承妖臯谿而下注浙江二百九十五字于此下接次行又逕會稽山陰縣

天明河欲清腳折金乃生 卷四十第十五葉

御覽引萬善歷曰天方明又曰鼎腳折今校補

是因詔爲語兒鄉 卷四十第十五葉

是因二字當倒互

因藉地民 卷四十第十五葉

民當作名

浙江又東逕祖塘謂之祖瀆 卷四十第十六葉

三國志吳書孫靜傳作查瀆裴松之註云查音祖加反

下祖字皆當作祖

朗負阻守 卷四十第十六葉

負阻下落城字三國志校補

又逕會稽山陰縣 卷四十第九葉

又逕上接十六葉六行湖水上承妖臯谿而又注浙江

故號曰賀臺吳 卷四十第十葉

吳當作矣

山上無高木 卷四十第十葉

無字下落甚字御覽引此文校補

山海經曰夕水出焉 卷四十第十葉

山海經是勺水郭璞註曰勺或作多然則夕字正得多

字之半耳

禹治水旱 卷四十第十一葉

旱日知錄引此文作畢

山東有礪 卷四十第十一葉

九經注疏卷之十一
研是湮井之誤御覽校正

孫暢之述征書云 卷四十第十一葉

征字衍文

言夏禹發之 卷四十第十一葉

箋曰言字衍按言字仍存

故爲射的 卷四十第十一葉

爲當作謂

吳越春秋所謂歐冶錮以成五劍 卷四十第十一葉

箋曰孫云錮疑作鑄按當作涸吳越春秋曰赤堇之山已令無雲若耶之谿深而莫測故戰國策曰涸若耶而

取銅破堇山而取錫也

父老人持百錢 卷四十第十一葉

父老上黃省會本有此谿二字今校補

吳黃門郎吳哀明 卷四十第十一葉

黃省會本作楊哀明會稽志引此文亦作楊下云亭埭皆以楊爲名是也

山北湖下有練塘里 卷四十第十一葉

練塘徐天祐吳越春秋註引越舊經作鍊塘下云句踐鍊冶銅錫之處是也

王封句踐於越 卷四十第十三葉

王上落吳字

縣湖北 卷四十第十三葉

縣下落南字

越事吳處 卷四十第十三葉

處字衍文黃省曾本校

澗延流 卷四十第十四葉

澗上落割字會稽志引此文校補

亭本山下 卷四十第十五葉

本下落在字孫潛校增

會稽其一焉 卷四十第十五葉

一焉下接十六葉七行又逕永興縣南

故孫權改曰元興 卷四十第十六葉

當作永興

江水之導源烏傷縣 卷四十第十六葉

之當作又

先名上諸暨亦曰句吳矣故國語曰句踐之地南至句吳

卷四十第十七葉

句吳國語作句無韋昭曰諸暨有句無亭括地志以為

句乘山也山在縣南五十里又闕駟曰句踐之地南至

句無其後并吳因大城之章霸功以示子孫故曰句章

沙渚平靜

卷四十第十七葉

靜御覽引此文作淨

浦陽江又東北逕始寧縣嶧山之成工嶠

葉

卷四十第十八

曹學佺云圖經稱謝元破苻堅歸越人榮之磨石大書
成功嶠三字深刻其上則以為成工嶠者誤也

言諸仙之所憩

卷四十第十八葉

諸仙御覽引此文作都仙都諸音同

常有波湖之患

卷四十第十九葉

湖當作潮

至王莽之會稽也

卷四十第十九葉

至字衍文

以詠終朝

卷四十第十九葉

詠當作永

廟今移入裏山北

卷四十第二十葉

箋曰北一作此按北字不誤

江南有上塘陽中三里

卷四十第二十葉

三當作二

又東北逕永興

卷四十第二十一葉

永興下落縣字

斤江水 日南水

得至臨塵入鬱 卷四十第二十一葉

得當作行

外此皆出日南郡西東東入于海 卷四十第二十一葉

東字重文宜衍

禹貢山水澤地所在

言漢武帝見 卷四十第二十二葉

見字上下有脫文當云言漢武帝嘗見之

古文之惇物山也 卷四十第二十二葉

箋曰禹貢云終南惇物至于鳥鼠按禹敘雍州不言華

山故以敦物當之然西傾朱圉鳥鼠至于太華已記之矣漢書云惇物山垂山也豈垂華字相亂耶按漢志字不錯此是道元錯引

王屋山在河東垣曲縣東北也 卷四十第二十三葉

兩漢志晉志皆作垣縣曲字衍文

右夾而納河 卷四十第二十三葉

右夾二字當倒互禹貢校

關山在扶風汧縣之西也 卷四十第二十四葉

箋曰禹貢無關山漢志扶風汧縣有吳山在西古文以為汧山周禮雍州之鎮曰嶽山鄭云吳嶽也按經典釋

文尙書音義曰岍音牽又作沂山馬本作開釋名曰吳山謂之開山蓋劉熙鄭康成弟子而康成馬融弟子也故同馬本關山是開山之譌又脫禹貢北條山也注東北流爲一水姑臧縣故城西卷四十第二十五葉

一水下落逕字

有震闕其上卷四十第二十五葉

震闕下落起字以晉書張軌傳校增

泉源徒發

卷四十第二十五葉

徒當作陡音斗通作斗史記封禪書成山斗入海昌黎荅張十一詩斗覺霜毛一半加皆其義也

乃張氏之世居也

卷四十第二十五葉

乃黃省曾本作及

置武威縣武威郡

卷四十第二十六葉

閻若璩云漢武帝太初四年以休屠王地置武威縣爲武威郡治縣居班志之第二武威郡下落治字

居延澤在其縣故城東

卷四十第二十六葉

東下落北字以漢志註校補

流沙與水流行也

卷四十第二十六葉

流沙下當重一沙字

又歷員邱不死之西

卷四十第二十七葉

不死下落山字山海經校補

三危山在燉煌縣南 卷四十第二十七葉

燉煌之敦不從火

并於月氏者也 卷四十第二十七葉

月氏音支不作氏

漢武帝後元分酒泉置 卷四十第二十七葉

後元下落年字

朱圉山在天水北冀縣南 卷四十第二十七葉

冀縣當作冀城注故云即冀縣

後玉人理之 卷四十第二十八葉

後下全氏校增王使二字

敷淺原地在豫章歷陵縣西 卷四十第二十九葉

西當作南漢志註校改師古亦云在豫章歷陵南

彭蠡澤在豫章彭澤縣北 卷四十第二十九葉

漢志分註云在西師古曰在西北從之

中江在丹陽蕪湖縣南 卷四十第二十九葉

漢志註作西南今校增

三澁地之南在邛縣之北 卷四十第三十葉

當作三澁池在南郡邛縣之北地字是後人所改詳本

卷

觸大別山陂

卷四十第三十葉

陂何焯校改阪

司馬遠越縊於蓬澁

卷四十第三十葉

箋曰左傳作遠澁按胡渭云蓋以上文有遠字而誤宋紹興間括蒼李如箎作東園叢說引左傳正作蓬澁可知世本之非當據六朝舊典以正之也

然池流多矣

卷四十第三十一葉

箋曰孫云池當作沱按徐鍇說文解字繫傳曰沱沼之沱通用此字今別作池非是觀楚金所釋則古字通作沱故曹粹中詩傳旱麓篇以出旱山之池水爲沱水也

此與江沱之沱聲畫竝同而義異

而不能辨其所在

卷四十第三十一葉

而孫潛校改亦

水經注箋刊誤卷十二終



